



Vorrede

An den günstigen vnd vnpartheyischen
Leser.

Nach dem ich mich nun in die dreyßig
Jahr lang/ vmb die wunderbaeliche
mysteria, vnd Tugenden/ welche der
Allmächtige **GOTT**, Schöpffer aller Dingen/ in
die arzneylische creata eingepflanzet hat/ zu erfors
schen, vnd zubetrachten, in der edlen vnd hochlöb
lichen Kunst der Chymiz geübet/ vnd zu solchem
ende viel vnd vnderschiedliche S ingen/ so wohl
auß den mineralischen/ vegetabilischen/ als anima
lischen Theilen/ durch den Vulcanū anatomirt, vnd
wie man darauß allerley subtile/ kräfftige/ vnd
heylsame medicamenten extrahieren, vnd recht bes
reiten sol/ gelernet vnd erfahren: Dieselbigen
auch in meiner praxi medica biß anhero (**GOTT**
sey gelobet) meinen Mißgönnern/ vnd allen Sy
cophantis zuwider/ glücklich gebraucher/ vnd ihre
nützliche effecten fleißig geoblerviret, vnd in acht
genommen: So habe ich dem Allerhöchsten (von
dem alle gute Haben herkommen) zu Ehren/ vnd
meinem lieben Nächstten zu Nutze/ eine sonderliche
Botanochymiam, oder Alchimey der irdischen Ge
wächsen zu schreiben/ vnd an Tag zu geben/ mie
fürgelezer/ darinnen nicht allein/ wie man auß
solchen Dingen / es seyen Kräuter / Blumen/
Früchten/ Samen/ Wurzeln/ Rinden/ Holz &c:
ihre

ihre Wasser/Spiritus, Oel/Balsamen/Bortz/Es-
senzen/ Tartara, vnd Salz/durch behendige/Fur-
ge/leichte/vnd doch sichere Chymische manualien
auffs beste extrahieren, rectificieren; zu ihren höch-
sten Bräuffen bringen/ vnd conservieren, Wie ins-
gleichem vnderschiedliche fürtreffliche composita
daraus bereiten könne; sondern auch von ihrer
Natur/qualiteten, angeborenen Eygenhaft/ vnd
Nutzen in der Arzney/ vnd sonderlichen gewissen
Experimenten, neben andern wichtigen zu dieser
Sachen nothwendigen Warnungen/ die ich selbst
gelaboriert, erfahren/ vnd in obacht genommen/
aufrichtig vnd deutlich/ daß es ein jeglicher ver-
ständiger Liebhaber der Arzney vernehmen mö-
ge/ beschrieben vnd gelehret wird. Wegen des
Vnderscheidts aber der Dingen/ die ich zu tractie-
ren hab/ thu ich dieselbe in besondere Bücher di-
sponieren vnd ordnen/ vnd werde eins nach dem
andern/ meiner gelegenheit nach / solcher gestalt/
wie es der günstige Leser (vermittelst Gottes
Hülff) sehen vnd erfahren wird/ in den Truck ge-
ben vnd verfertigen. In diesem ersten Buch/
habe ich nichts an den Wassern/ Spiritibus vnd Es-
sencien der Dingen (wie sonst die gemeine Ordi-
nung anderer Chymicorum ist/ an denen ich dar-
umb nichts tadele oder verwerffe) sondern an der
extraction, Zubereitung/ conservation, vnd nütze-
lichem gebrauch der Essenzen/ auß nachfolgen-
den Ursachen vnd Betrachtungen den anfang ma-
chen wollen. Weiln erstlich solche Bereitung im

Grund

gennd' von den vhrältesten/ vnnnd hochbewehrten
Medicis, die wir als vnser Meister in der Artz-
ney halten sollen / ist inventieret vnd erfunden/
vnd von allen wahren Medicis Dogmaticis in ges-
mein/ je vnd allwege/ vnd noch stetigs approbirt,
für gut erkant/ vnnnd nie getadelt/ oder/ wie die
andere new inventierte Chymische præparationes
in zweiffel gezogen werden. Zum andern/ des
Gemeinen Nutzen der Essenzen halber/ weil die-
selbige vielmehr/ als ihre abgesonderte Substan-
zen, nemlich Wasser/ Oel/ Salz &c: zugebrau-
chen nötig fürfallen thun; Welches an so vielen
decocten vnnnd Infusen (deren Tugenden auß den
Essenzen derselben Dingen entstehen) so von den
Medicis immerdar verordnet werden/ zu spüren
vnd wahrzunehmen ist.

Vnnnd zum dritten/ in deme ich von Bergen
begierig vnd geneigt bin/ so viel als mir möglich
ist/ solche löbliche vhralte invention nicht allein
helffen zu erstatten/ vnnnd zu verbessern/ sondern
auch daneben wünschen thu/ daß Sie auff den
Apothecken möchte eingeführt/ in autoritet ges-
bracht/ vnd deren gebrauch mehr/ als er noch an
jetzo ist/ bekant vnd gemein gemacht werden/ der
gewissen Zuversicht/ daß es den Patienten zu
größsem Nutz/ den Artzen vnd Apotheckern zur
reputation, vnd der löblichen Kunst zu besser di-
gnitet gereichen würde/ als ertliche andere grobe
vnd vnnützliche gewöhnliche Bereitungen der ve-
getabilischen medicamenton. wie ich solches in
der

der matery selbstten darthun vnd erweisen werde.
Verhoffe demnach/ daß alle weise/ bescheidene/
in solchen Sachen verständige/ von gewüth auff
richtige/ in der humanitet wohl erzogene/ vnd vn-
partheyische Persohnen/ die da Gott vnd ihren
Negsten lieben/ nach dem Sie dieses Tractätlein
gelsen, vnd seine Nutzbarkeiten erwogen/ diß
mein fürhaben vnd gute Meinung (vnangesehen
der mängel vnd imperfektion, so darunder lauffen
möchten/ weil in diesen Sachen kein Mensch den
euffersten grund/ vnd volkommene Wissensschafft
erschöpfen noch erlangen kan/) für gut ansehen
vnd auffnehmen werden. Wie ich dan auch kei-
nen zweiffel trage/ daß, so einige neidische vnd vers-
bitterte Zoili, diese meine Arbeit zu verhönen vnd
zu verachten sich fürnehmen möchten, ihr falsches
Urtheil vnd böser Muth/ für gemelten qualificir-
ten Leuten keine statt noch platz finden / sondern
daß es vielmehr zu ihrem eignen Hohn/ Spott/
Schand vnd confusion gelangen werde. Welches
auch verursachet/ daß/ wenn noch so viel solcher
serpentinischer vnd giftiger Zoilorum sich wider
mich setzten/ vnd auffstünden/ ich ihrer doch im ge-
ringsten nicht achten würde, sondern mir allezeit
beständig in meinem guten fürhaben/ so lang als
ich lebe / zu beharren/ festiglich fürgenommen.
Samit ich aber solches vnverhindert effectiren
möge, so verlethe mir hertzv der Ewige, Wahres/
Dreyeinige Gott Vater, Sohn, vnd Heilige
Geiß, ferners sein Göttlichen Segen
vnd Beystande/ Amen.